

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10), a u vezi sa članovima 37. stav (4) i 45. stav (1) Zakona o izvršavanju Budžeta Zeničko-dobojskog kantona za 2020. godinu ("Službene novine Zeničko-dobojskog kantona", broj: 24/19), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 56. sjednici, održanoj dana 19.05.2020. godine, d o n o s i

## **ZAKLJUČAK**

**o usvajanju Programa utroška sredstava vodnih naknada za 2020. godinu, u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2020. godinu, pozicije „Kapitalni transferi iz sredstava posebnih vodnih naknada“, „Ugovorene i druge posebne usluge iz sredstava vodnih naknada“, „Namjenska sredstva za finansiranje projekata iz sredstava posebnih vodnih naknada“ i „Namjenska sredstva za finansiranje otplate kredita - Plava voda iz sredstava posebnih vodnih naknada“**

### **I.**

Usvaja se Program utroška sredstava vodnih naknada za 2020. godinu, u razdjelu 23, budžetska organizacija 01, potrošačka jedinica 0001 Budžeta Zeničko-dobojskog kantona za 2020. godinu ("Službene novine Zeničko-dobojskog kantona", broj: 24/19 i 7/20), ekonomski kod 615100 Pozicija „Kapitalni transferi iz sredstava posebnih vodnih naknada“, 613900 Pozicija „Ugovorene i druge posebne usluge iz sredstava vodnih naknada“, 614400, subanalitika NAD 403, Pozicija «Namjenska sredstva za finansiranje projekata iz sredstava posebnih vodnih naknada» i 614400 subanalitika NAD 403, Pozicija „Namjenska sredstva za finansiranje otplate kredita - Plava voda iz sredstava posebnih vodnih naknada“, planirana su sredstva u ukupnom iznosu od 12.500.000,00 KM (dvanaestmilijonapetstotinhiljada konvertibilnih maraka) i čini sastavni dio ovog zaključka.

### **II.**

Sredstva planirana Budžetom Kantona za namjene predviđene ovim zaključkom, realizovat će se isključivo u skladu sa realizacijom ostvarenih javnih prihoda vodnih naknada u Budžetu Kantona.

### **III.**

Za realizaciju ovog zaključka zadužuje se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

### **IV.**

Zaključak stupa na snagu danom donošenja.

**PREMIJER**

*Mirza Ganić*

Broj: 02- \_\_\_\_\_ /20  
Datum, 19.05.2020. godine  
Zenica

DOSTAVLJENO:

1x Ministarstvo za poljoprivredu, šumarstvo i vodoprivredu,  
1x Ministarstvo finansija,  
1x a/a.

**BOSNA I HERCEGOVINA**  
**Federacija Bosne i Hercegovine**  
**ZENIČKO-DOBOJSKI KANTON**

**MINISTARSTVO ZA POLJOPRIVREDU,  
ŠUMARSTVO I VODOPRIVREDU**



**PROGRAM UTROŠKA SREDSTAVA VODNIH NAKNADA  
ZA 2020. GODINU**

ZENICA, maj 2020. godine

## **I ZAKONSKI OSNOV ZA DONOŠENJE PROGRAMA UTROŠKA SREDSTAVA VODNIH NAKNADA ZA 2020. GODINU**

Zakonski osnov za donošenje Programa utroška sredstava vodnih naknada za 2019. godinu je sadržan u članu 178. Zakona o vodama ("Službene novine Federacije BiH", broj: 70/06) i članu 125. Zakona o vodama Zeničko-dobojskog kantona ("Službene novine Zeničko-dobojskog kantona", broj: 17/07), te u članu 37. stav (4) Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19), kojim je utvrđeno da će se navedena sredstava koristiti u skladu sa programom utroška kojeg donosi Vlada Kantona. U članu 45. stav (1) istog Zakona utvrđeno je da nadležni organi uprave i upravne organizacije predlažu Vladi Kantona programe utroška sredstava iz člana 37. Zakona o izvršavanju Budžeta Zeničko-dobojskog kantona.

U vezi sa navedenim, Ministarstvo za poljoprivredu, šumarstvo i vodoprivredu (u daljem tekstu: Ministarstvo) je izradilo prijedlog Programa utroška sredstava vodnih naknada za 2020. godinu (u daljem tekstu: Program).

## **II OBIM PLANIRANIH ULAGANJA I NAČIN REALIZACIJE**

Budžetom Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20) u razdjelu 23, budžetska organizacija 01, potrošačka jedinica 0001, ekonomski kod 615100 Pozicija „Kapitalni transferi iz sredstava posebnih vodnih naknada“, 613900 Pozicija „Ugovorene i druge posebne usluge iz sredstava vodnih naknada“, 614400, subanalitika NAD 403, Pozicija «Namjenska sredstva za finansiranje projekata iz sredstava posebnih vodnih naknada» i 614400 subanalitika NAD 403, Pozicija „Namjenska sredstva za finansiranje otplate kredita - Plava voda iz sredstava posebnih vodnih naknada“, planirana su sredstva u ukupnom iznosu od 12.500.000,00 KM (dvanaestmilijonapetstotinhiljada konvertibilnih maraka).

Navedena sredstva sastoje se od neutrošenih namjenskih sredstava iz ranijeg perioda i očekivanog priliva po osnovu vodnih naknada u 2020. godini. Sredstva koja pripadaju Kantonu predstavljaju 45% ukupnog priliva koji se ostvaruje na Kantonu po osnovu opće i posebnih vodnih naknada i od prihoda po osnovu zakupa javnog vodnog dobra (pri čemu 40% priliva pripada Agenciji za vodno područje rijeke Save, Sarajevo, a 15% Federalnom fondu za okoliš), odnosno po osnovu vrsta prihoda: 721226, 722521, 722522, 722523, 722524, 722525, 722526, 722527, 722528, 722529, 777776 i 721225.

Ukupni rashodi za prihode koji se ostvaruju po osnovu opće i posebnih vodnih naknada i od prihoda po osnovu zakupa javnog vodnog dobra, koji prema raspodjeli utvrđenoj u članu 177. Zakona o vodama ("Službene novine Federacije BiH", broj: 70/06) pripadaju Kantonu, planirani su na bazi akumuliranih neutrošenih sredstava po ovom osnovu iz ranijeg perioda u iznosu od cca 9 miliona KM i očekivanog procijenjenog priliva po istom osnovu u 2020. godini od 3,5 mil. KM, što ukupno iznosi 12,5 mil. KM.

Predviđena sredstva utrošit će se za nerealizovane projekte koji su planirani i ugovoreni po Programu utroška sredstava vodnih naknada iz 2019. godine, zatim za realizaciju projekata lokalne vodne infrastrukture, odnosno za projekte od značaja za jedinice lokalne samouprave (JLS) (zaštitni vodni objekti, vodni objekti za korištenje voda, vodni objekti za zaštitu voda) na području gradova i općinâ Kantona, za realizaciju projekta utvrđivanja granice vodnog dobra na vodotocima II kategorije na području Kantona i za uspostavljanje sistema ranog upozoravanja na poplave (pilot projekat), u skladu sa operativnim ciljevima utvrđenim u Strategiji upravljanja vodama 2010.-2022. godine (Plan realiziranja mjera za dostizanje ciljeva upravljanja vodama) i Strategiji razvoja Zeničko-dobojskog kantona za period 2016.-2020. godina („Službene novine Zeničko-dobojskog kantona“, broj:1/16).

Navedenim dokumentima su utvrđeni operativni zadaci nadležnim organima za realiziranje projekata i aktivnosti od značaja za Kanton, konkretno razvoj vodne infrastrukture, koji se finansiraju iz prihoda namjenskih sredstava vodnih naknada i usmjeravaju na osnovu godišnjeg

plana i programa Ministarstva, odnosno za sufinansiranje izgradnje i održavanja vodnih objekata (zaštitnih objekata, objekata za vodosnabdijevanje, objekata za zaštitu voda od zagađivanja, kao i ostale aktivnosti vezane za poslove upravljanja vodama (izrada tehničke dokumentacije, podloga za izdavanje koncesija i dr.), u skladu sa članom 178. Zakona o vodama („Službene novine FBiH“, broj: 70/06), odnosno članom 125. Zakona o vodama („Službene novine Zeničko-dobojskog kantona“, broj: 17/07), kojima je utvrđen namjenski utrošak sredstava vodnih naknada.

Ovim Programom su utvrđeni kriteriji za raspodjelu sredstava opredijeljenih za razvoj lokalne vodne infrastrukture, prema kojima je utvrđena visina pripadajućeg iznosa sredstava jedinicama lokalne samouprave (u daljem tekstu: JLS), u cilju transparentne raspodjele istih.

U vezi sa navedenim, planira se realizacija slijedećih projekata:

**1. Naziv projekta:** Realizacija nezavršenih projekata ugovorenih u 2019. godini po Programu utroška sredstava vodnih naknada za 2019. godinu

**Cilj projekta:** Realizirati ugovore iz 2019. godine čija se realizacija prenosi u 2020. godinu, a navedeni su u **Tabeli 1.**

**Iznos sredstava: 5.536.847,29 KM**

**Tabela 1.**

STAVKA		NAZIV	Ugovoreno /Planirano (KM)
<b>A</b>		<b>FINANSIRANJE IZGRADNJE ILI REKONSTRUKCIJE VODNIH OBJEKATA OD OPĆINSKOG ZNAČAJA (ZAŠTITNI VODNI OBJEKTI, VODNI OBJEKTI ZA KORIŠTENJE VODA, VODNI OBJEKTI ZA ZAŠTITU VODA)</b>	<b>5.536.847,29</b>
<b>A</b>	<b>1.</b>	<b>ZAŠTITNI VODNI OBJEKTI</b>	<b>775.767,44</b>
A	1.1.	Ucjvljenje potoka Jasike, faza II (dionica III), općina Breza	100.000,00
A	1.2.	Sanacija desne obale rijeke Ribnice, lokalitet Brnjic, općina Kakanj	4.995,90
A	1.3.	Izrada projekta - uređenje rijeke Zgošće-potez most na ulazu u naselje Zgošća-most na izazu iz naselja Zgošća, općina Kakanj	5.879,25
A	1.4.	Izrada projekta - uređenje rijeke Trstionice-potez most u naselju Bjelavići-Plavi most u naselju Brežani, općina Kakanj	5.832,45
A	1.5.	Regulacija rijeke Stavnje kroz naselje Hodžići, III faza, općina Vareš	171.221,91
A	1.6.	Čišćenje i sanacija vodotoka II kategorije na području Grada Zenica	119.409,32
A	1.7.	Izrada obaloutvrde izgradnja potpornih zidova u koritu Selačke rijeke radi zaštite lokalnog puta Seoci-Živkovići, Grad Zenica	103.679,96
A	1.8.	Izrada pregrada na vodotocima Baretnjak i Čiganski potok i regulacija dijela korita Starinskog potoka radi zaštite naselja Topčić Polja od bujičnog nanosa, Grad Zenica	44.748,65
A	1.9.	Regulacija Čiganskog potoka - Stranjani, Grad Zenica	220.000,00
<b>A</b>	<b>2.</b>	<b>VODNI OBJEKTI ZA KORIŠTENJE VODA</b>	<b>3.636.011,64</b>
A	2.1.	Vodosnabdijevanje naselja Vrankamen sa priključcima na vodovodni sistem Bukovik, općina Breza	83.000,00
A	2.2.	Izgradnja bunara B2 na izvorištu Havdine, općina Doboj-Jug	53.700,00
A	2.3.	Dovršenje vodovoda Brus, općina Kakanj	59.831,90
A	2.4.	Vodovod "Varalići", MZ Krševac, općina Kakanj	101.541,39
A	2.5.	Izgradnja vodovoda Zagrađe, MZ Zagrađe, općina Kakanj	151.398,64
A	2.6.	Izgradnja vodovoda Koprivnica-Banjovac, općina Kakanj	49.713,27
A	2.7.	Izrada elaborata o zaštiti izvorišta Iliđa, općina Kakanj	3.941,73
A	2.8.	Izrada elaborata o zaštiti izvorišta Stog, općina Kakanj	3.707,73
A	2.9.	Sanacija cjevovoda na gradskoj vodovodnoj mreži u ulici Civilnih žrtava rata u Maglaju i ulici Zenička bb, općina Maglaj	109.236,60
A	2.10.	Rekonstrukcija vodovoda Brza voda u MZ Jablanica - nastavak radova, općina Maglaj	36.370,50
A	2.11.	Rekonstrukcija vodozahvata u naselju Domislica, općina Maglaj	34.355,82
A	2.12.	Primarna vodovodna mreža za MZ Misurići-nastavak radova, općina Maglaj	64.289,39
A	2.13.	Sanacija vodovoda za MZ Ravna, općina Maglaj	80.639,04
A	2.14.	Rekonstrukcija dijela postojećeg vodovoda "Stijena", "Šljuka" i "Korito" u MZ Čobe, općina Maglaj	65.108,65
A	2.15.	Izgradnja distributivne vodovodne mreže sa grupnim vodomjernim oknima za naselja Pušino Polje i Bare, MZ Dugandžići, općina Olovo	149.553,89
A	2.16.	Izgradnja rezervoara "Vranješevac" od 50 m3 u naselju Čuništa, općina Olovo	50.000,00
A	2.17.	Izgradnja vodovoda za naselja Kruševo, Prgoševo i Dolovi, općina Olovo	44.087,11
A	2.18.	Vodosnabdijevanje naselja u MZ Križevići - izrada projekta i izvođenje radova, općina Olovo	50.000,00
A	2.19.	Izgradnja vodovoda Raduša, općina Tešanj	340.000,00
A	2.20.	Izgradnja bunara, PS i tlačnog voda za Mrkotić, općina Tešanj	100.000,00
A	2.21.	Izgradnja vodovoda Džemilić-Planje, općina Tešanj	50.000,00

A	2.22.	Bunar PEB-1, općina Tešanj	5.922,58
A	2.23.	Projektovanje sistema vodosnabdijevanja tri mjesne zajednice Mrkotić, Kalošević i Bobare-Drinčići-Blaževci, općina Tešanj	10.587,95
A	2.24.	Izgradnja rezervoara Dubrave, Grad Visoko	480.000,00
A	2.25.	Izgradnja vodovoda Rasječenica Brezik za naselja u MZ Brezik, MZ Krivaja, MZ Krivaja-Samilbašići i MZ Pašin Konak, općina Zavidovići	259.143,30
A	2.26.	Vodosnabdijevanje prostorne cjeline MZ "Pašin Konak", općina Zavidovići	339.388,55
A	2.27.	Vodovod Maoča, općina Zavidovići	466,52
A	2.28.	Rekonstrukcija vodovoda Kovačići, Grad Zenica	111.174,39
A	2.29.	Rekonstrukcija vodovoda Džomba, Grad Zenica	105.000,00
A	2.30.	Rekonstrukcija vodovoda Krščanac, Grad Zenica	100.000,00
A	2.31.	Rekonstrukcija vodovoda Gladovići, Grad Zenica	110.000,00
A	2.32.	Snabdijevanje vodom naseljenih mjesta u MZ Begov Han	61.243,59
A	2.33.	Vodovod u MZ Osova (sjeverni dio), faza I	176.648,30
A	2.34.	Snabdijevanje vodom naseljenih mjesta Biljevina i Delići u MZ Željezno Polje	99.543,26
A	2.35.	Snabdijevanje vodom naselja MZ "Lug-Brankovići" i MZ "Donja Ozimica", III faza	96.417,54
<b>A</b>	<b>3.</b>	<b>VODNI OBJEKTI ZA ZAŠTITU VODA</b>	<b>1.125.068,21</b>
A	3.1.	Izgradnja ostatka sekundarne kanalizacione mreže, općina Doboj-Jug	60.000,00
A	3.2.	Kanalizacioni sistem MZ Haljinići, općina Kakanj	10.141,87
A	3.3.	Izgradnja kanalizacije Papratnica, faza V, općina Kakanj	50.568,98
A	3.4.	Izgradnja kanalizacije Obre-Polje, općina Kakanj	24.101,34
A	3.5.	Izrada projekta izgradnje kanalizacionog sistema Obre-Centar (Primarni kolektor fekalne kanalizacije, uređej za prečišćavanje i sekundarna mreža) MZ Bjelavići, općina Kakanj	3.100,50
A	3.6.	Izrada projekta izgradnje kanalizacionog sistema Veliki Trnovci (Primarni kolektor fekalne kanalizacije, uređaj za prečišćavanje i sekundarna mreža) MZ Veliki Trnovci, općina Kakanj	3.042,00
A	3.7.	Izgradnja fekalne kanalizacije u naselju Novi Šeher (iz 2018.), općina Maglaj	35.097,87
A	3.8.	Izgradnja kanalizacije Šije-nastavak izgradnje, općina Tešanj	88.861,50
A	3.9.	Izgradnja kanalizacije Jelah-Polje, općina Tešanj	102.290,57
A	3.10.	Izvedba kanalizacijskog sustava "Žabljak", općina Usora	100.000,00
A	3.11.	Izgradnja kanalizacionog sistema u Mjesnoj zajednici Porječani, podružnica Gornji Porječani, općina Visoko	45.500,00
A	3.12.	Kanalizaciona mreža za dio područja uz ulicu Mehmed Spaħo dijela naselja Vučjak i naselja Dragovac, općina Zavidovići	31.326,17
A	3.13.	Izgradnja kanalizacije sliva potoka Mokušnice-Vražale, Grad Zenica	171.213,08
A	3.14.	Fekalna kanalizacija naselja Pepelari, Grad Zenica	57.724,29
A	3.15.	Kanalizacija Perin Han - MZ „Perin Han“, Grad Zenica	80.000,00
A	3.16.	Kanalizacija Gornja Zenica, MZ Gornja Zenica	180.000,00
A	3.17.	Desnoobalni kolektor sa priključenjima na postojeći lijevoobalni kolektor rijeke Bosne, općina Žepče	82.100,04
<b>UKUPNO (A1+A2+A3):</b>			<b>5.536.847,29</b>

**2. Naziv projekta:** Finansiranje izgradnje ili rekonstrukcije vodnih objekata od značaja za jedinice lokalne samouprave (JLS) (zaštitni vodni objekti, vodni objekti za vodosnabdijevanje i vodni objekti za zaštitu voda od zagađenja), uključujući izradu projektne dokumentacije

**Cilj projekta:** Realizacija operativnih ciljeva iz Strategije upravljanja vodama FBiH (2010.-2022.) i Strategije razvoja Zeničko-dobojskog kantona za period 2016.-2020. godina („Službene novine Zeničko-dobojskog kantona“, broj:1/16), odnosno izgradnja ili rekonstrukcija vodnih objekata, uključujući i izradu projektne dokumentacije, za projekte sanacije postojećih i izgradnju novih zaštitnih vodnih objekata i regulacionih radova sa ciljem povećanja zaštite od plavljenja, izgradnje vodnih objekata za zaštitu voda uključujući uređaje za prečišćavanje otpadnih voda, sa ciljem povećanja broja stanovnika priključenih na javne sisteme za prikupljanje i odvodnju otpadnih voda naselja i zaštite kvaliteta površinskih i podzemnih voda, rekonstrukcije i sanacije postojećih vodovodnih sistema sa ciljem smanjenja gubitaka, povećanja broja stanovnika priključenih na sisteme javne vodoopskrbe i poboljšanja kvaliteta javnog vodosnabdijevanja, poboljšanje kvaliteta javnog vodosnabdijevanja putem pročišćavanja na postrojenju za pitku vodu, i dr.

Ministarstvo je dužno raspisati Javni poziv za dodjelu sredstava JLS, u

skladu sa članom 37. stav (4) Zakona o izvršavanju Budžeta Zeničko-dobojskog kantona („Službene novine Zeničko-dobojskog kantona“, broj: 24/19), koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 15/18), u mjeri u kojoj je primjenjivo, kako je to utvrđeno u članu 46. Zakona o izvršavanju Budžeta Zeničko-dobojskog kantona. Javni poziv će, u skladu sa tačkom 23. c. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine FBiH“, broj: 15/18), sadržavati pisane kriterije na osnovu kojih će se izvršiti odabir kandidovanih projekata, sve u cilju efikasne, ekonomične i efektivne upotrebe namjenskih sredstava.

Obrazac za prijavu programa ili projekta biće sastavni dio Javnog poziva i isti će obavezno sadržavati procjenu efekata učinka koji se postižu realizacijom istih. JLS kao korisnici sredstava biće u obavezi da po realizaciji odobrenog projekta utvrde procjenu efekata koji su postignuti utrošenim sredstvima transfera, a od kojih će zavisiti visina i namjena sredstava koja se planiraju za narednu godinu.

U cilju transparentnosti, ovim Programom su utvrđeni kriteriji za raspodjelu sredstava opredijeljenih za razvoj lokalne vodne infrastrukture, zasnovani na visini budžetskih sredstava za tekuću godinu JLS i broju stanovnika svake JLS, prema kojima je utvrđena visina pripadajućeg iznosa sredstava jedinicama lokalne samouprave, u odnosu na ukupno opredijeljena sredstva za ovu namjenu u iznosu od 6.733.152,71 KM, kako je dato u Tabeli 2.

**TABELA 2. RASPODJELA SREDSTAVA PO OPĆINAMA ZA 2020. GODINU**

JLS	Broj stanovnika	Procent. br.stan. (K <sub>1</sub> )	Budžet JLS za 2020.	Koeficijent K <sub>2</sub> (Budžet)	Σ K (K <sub>1</sub> +K <sub>2</sub> )	RASPODJELA ZA 2020.	KONAČNO 2020.
1	2	3	4	5	6=3+5	7=6.733.152,71*6	8
Breza	14168	3,9	6.260.000,00	0,5	4,4	292.475	<b>292.500,00</b>
Doboj-Jug	4137	1,1	3.624.480,00	1	2,1	142.328	<b>142.500,00</b>
Kakanj	37441	10,3	27.410.533,66	-1	9,3	618.173	<b>618.500,00</b>
Maglaj	23146	6,4	8.603.883,00	0,5	6,9	456.691	<b>457.000,00</b>
Olovo	10175	2,8	4.064.700,00	1	3,8	252.768	<b>253.000,00</b>
Tešanj	43063	11,8	18.220.000,00	0	11,8	787.663	<b>788.000,00</b>
Usora	6603	1,8	5.260.000,00	0,5	2,3	154.104	<b>154.000,00</b>
Vareš	8892	2,4	3.882.100,00	1	3,4	229.301	<b>229.152,71</b>
Visoko	39938	11,0	20.975.500,00	-1	10,0	663.845	<b>664.000,00</b>
Zavidovići	35988	9,9	12.284.515,85	0	9,9	658.254	<b>658.500,00</b>
Zenica	110663	30,4	60.672.190,00	-2	28,4	1.890.814	<b>1.890.000,00</b>
Žepče	30219	8,3	8.560.000,00	0,5	8,8	586.063	<b>586.000,00</b>
<b>UKUPNO:</b>	<b>364433</b>	<b>100,00</b>				6.732.479,39	<b>6.733.152,71</b>

*NAPOMENA: Kriterij K<sub>1</sub> predstavlja procentualni broj stanovnika JLS u odnosu na ukupan broj stanovnika Kantona, a kriterij K<sub>2</sub> se odnosi na budžet JLS za 2020. godinu i veći je za manje budžete i obrnuto, a utvrđen je sa ciljem dostizanja ravnomjernog razvoja lokalne vodne infrastrukture.*

Budžet JLS za 2020. godinu	K <sub>2</sub>
do 5.000.000	1
5.000.001.-10.000.000	0,5
10.000.001-20.000.000	0
20.000.001-30.000.000	-1
>40.000.000.	-2

Ministarstvo je dužno imenovati Komisiju za utvrđivanje Javnog poziva, kojim će biti propisani uvjeti i mjerljivi kriteriji za kandidovanje projekata, sa ciljem povećanja efikasnosti utroška namjenskih sredstava, odnosno za vrednovanje, rangiranje i odabir projekata u okviru ukupno opredijeljenih

sredstava za svaku JLS po ovom Programu.

Ministarstvo može vršiti preraspodjelu planiranih sredstava između pojedinih projekata u okviru ukupno planiranih sredstava za pojedinu JLS, ukoliko se za to ukaže opravdana potreba, na zahtjev JLS.

Ministarstvo se obavezuje da sa svim JLS Kantona zaključi sporazum, kojim će biti regulisane međusobne obaveze i način realizacije odobrenih projekata. Nosilac aktivnosti provođenja tenderskih postupaka biće JLS.

**Iznos sredstava: 6.733.152,71 KM**

**3. Naziv projekta:** Utvrđivanje granice vodnog dobra uz vodotoke II. kategorije i instaliranje sistema za rano upozorenje od poplava (pilot projekat).

**Cilj projekta:** Utvrditi granicu vodnog dobra uz vodotoke II. kategorije na području Kantona, radi zaštite vodnog dobra od bespravne gradnje i drugih negativnih uticaja. S obzirom na veliki broj vodotoka II. kategorije na području Kantona, u 2020. godini planira se realizacija ovog projekta na vodotocima prioritetno u urbanim, odnosno naseljenim dijelovima JLS, u obimu koji će biti definiran u saradnji sa JLS.

Pored toga, planirana je realizacija pilot projekta - instaliranje sistema za rano upozorenje od poplava, prema iskazanom interesu JLS, u organizaciji Ministarstva za poljoprivredu, šumarstvo i vodoprivredu.

Za navedene projekte Ministarstvo će provesti postupak javne nabavke u skladu sa Zakonom o javnim nabavkama i Planom javnih nabavki.

**Iznos sredstava: 230.000,00 KM**

#### **REKAPITULACIJA:**

R.br.	NAZIV	Planirano (KM)
1.	Realizacija nezavršenih projekata ugovorenih u 2019. godini po programu utroška sredstava vodnih naknada za 2019. godinu	5.536.847,29
2.	Finansiranje izgradnje ili rekonstrukcije vodnih objekata od značaja za JLS (zaštitni vodni objekti, vodni objekti za korištenje voda, vodni objekti za zaštitu voda)	6.733.152,71
3.	Utvrđivanje granice vodnog dobra uz vodotoke II kategorije i instaliranje sistema za rano upozorenje od poplava (pilot projekat)	230.000,00
<b>UKUPNO :</b>		<b>12.500.000,00</b>

**PREMIJER**

*Mirza Ganić*

Broj: 02- \_\_\_\_\_ /20

Datum, 19.05.2020. godine

Zenica

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x a/a.